



Broj: 01-04-19656-3/25
Sarajevo, 14.05.2025.godine

Na osnovu člana 70. Zakona o organizaciji organa uprave u Federaciji Bosne i Hercegovine ("Službene novine FBiH" broj: 35/05), člana 4. Uredbe o osnivanju Kabineta predsjedavajućeg i zamjenika predsjedavajućeg Skupštine Kantona Sarajevo ("Službene novine Kantona Sarajevo", broj 46/21), člana 16. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj: 22/21, 13/22, 21/24 i 10/25) i člana 3. Internog Pravilnika o organizacijskim preduslovima i aktivnostima po Javnom pozivu za dodjelu transfera neprofitnim organizacijama za finansiranje/sufinansiranje programa/projekata/aktivnosti iz Budžeta Kantona Sarajevo za 2025.godinu, sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo (broj: 01-04-19656-1/25 od 05.05.2025.godine) šefica Kabineta predsjedavajućeg i zamjenika predsjedavajućeg Skupštine Kantona Sarajevo donosi

RJEŠENJE

o imenovanju komisije za provođenje Javnog poziva za dodjelu transfera neprofitnim organizacijama za finansiranje/sufinansiranje aktivnosti/programa/projekata iz Budžeta Kantona Sarajevo za 2025. godinu, sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo

I

Imenuje se komisija za provođenje Javnog poziva za dodjelu transfera neprofitnim organizacijama za finansiranje/sufinansiranje aktivnosti/programa/projekata iz Budžeta Kantona Sarajevo za 2025.godinu, sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo broj poziva: 01-11-20014/25 od 05.05.2025.godine (u daljem tekstu: Komisija), u slijedećem sastavu:

1. Sonja Kilibarda, članica Komisije
2. Edina Zukić, članica Komisije
3. Mediha Selimanović, članica Komisije

Za zamjenskog člana Komisije imenuje se Emil Hodžić.
Za sekretara Komisije imenuje se Jasmina Varka.

II

Zadaci Komisije su da, u skladu s članom 16. i 17. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj: 22/21, 13/22, 21/24 i 10/25), članom 5. Internog Pravilnika o organizacijskim preduslovima i aktivnostima po Javnom pozivu za dodjelu transfera neprofitnim organizacijama za finansiranje/sufinansiranje programa/projekata/aktivnosti iz Budžeta Kantona Sarajevo za 2025.godinu, sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo (broj: 01-04-19656-1/25 od 05.05.2025.godine), a u vezi sa raspisanim Javnim pozivom za dodjelu transfera neprofitnim organizacijama za finansiranje/sufinansiranje aktivnosti/programa/projekata iz Budžeta Kantona Sarajevo za 2025.godnu (broj poziva: 01-11-20014/25 od 05.05.2025.godine) koji je objavljen u dnevnim novinama "**Oslobođenje**" i na web stranici Skupštine Kantona Sarajevo, donese Poslovnik o radu Komisije, evidentira sve prijave zaprimljene putem protokola, izvrši otvaranje koverata sa prijavama, izvrši provjeru i evidenciju da li prijave ispunjavaju opće i posebne kriterije propisane navedenim Javnim pozivom i Uredbom o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj: 22/21, 13/22, 21/24 i 10/25), utvrdi formalno-pravnu ispravnost pristiglih prijava (blagovremenost, potpunost i urednost), izvrši provjeru vjerodostojnosti pravnog valjanog zastupnika podnosioca prijave, razradi jasne i mjerljive kriterije za vrednovanje (ocjenjivanje) projektnih prijedloga u cilju utvrđivanja iznosa, uz poštivanje principa jednakog pristupa budžetskim sredstvima ženama, muškarcima, siromašnim i drugim marginaliziranim grupama, izvrši bodovanje i ocjenjivanje projektnih prijedloga sa iznosima sredstava koji se predlažu, detaljnim pregledom svake prijave utvrdi one koje ispunjavaju propisane uslove, kao i one koje ne ispunjavaju propisane uslove sa obrazloženjem, sačini pojedinačne izvještaje ocjena za svaku pregledanu prijavu, na osnovu pojedinačnih izvještaja izradi zbirnu listu ocijenjenih prijava, aktivnosti/programa/projekata te istu dostavi rukovodiocu davaoca sredstava, izradi prijedlog odluke za odobravanje budžetskih sredstava, izradi prijedlog odluke sa iznosima o dodjeli transfera neprofitnim organizacijama za finansiranje i sufinansiranje aktivnosti/programa/projekata na osnovu zbirne liste ocijenjenih prijava, izvrši pripremu prijedloga obavijesti za podnosiocice čije prijave nisu prihvaćene za finansiranje i sufinansiranje, navodeći razloge odbijanja prijave, izvrši pripremu prijedloga Ugovora o dodjeli transfera, kao i da provede sve druge neophodne radnje po Javnom pozivu, te sačini zapisnike i izvještaje o radu i iste dostavi rukovodiocu davaoca sredstava.

Administrativno-tehničke poslove za potrebe Komisije obavljat će sekretar Komisije.

III

Komisija će utvrđene zadatke iz tačke II ovog Rješenja obavljati izvan redovnog radnog vremena, počev od dana 23.05.2025.godine do okončanja rada Komisije, a ne duže od 90 dana.

IV

Prije početka rada Komisije, u skladu s članom 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21, 13/22, 21/24 i 10/25), predsjednik, svi članovi Komisije i sekretar potpisuju izjavu o nepristrasnosti, povjerljivosti i nepostojanju sukoba interesa, odnosno da je upoznat sa obavezom da tokom cijelog postupka rada u Komisiji je dužan prijaviti mogući sukob interesa i tražiti isključenje iz rada Komisije.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-044, Fax: + 387 (0) 33 562-210
Web: <http://skupstina.ks.gov.ba>, E-mail: aida.arap@skupstina.ks.gov.ba

2/3

V

Po izvršenju utvrđenih zadataka i dostavljanja Izvještaja o radu rukovodiocu davaoca sredstava, utvrdit će se posebnim rješenjem naknada za rad Komisije, koja isključuje pravo na prekovremeni rad, a u skladu sa članom 6. Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj: 18/20).

VI

Ovo rješenje stupa na snagu danom donošenja i objavit će se na službenoj web stranici davaoca sredstava. [REDACTED]

Pripremila: Mediha Selimanović, Stručni savjetnik za pravne poslove



Prilog:

- Izjava o nepristrasnosti, povjerljivosti i nepostojanju sukoba interesa (5x)

Dostaviti:

-Članovima Komisije (5x)

-WEB stranica Kabineta

-Evidencija

-Arhiva